

1 TESARONAIKA

Khe Por Fharav Tesaronaikain

Ndi Khergi Gap

Khe fharav ganinga buni khare.

Tesaronaika, ana Masedonia ngu bakime fhain ki ngu bakime ma. Por Firipai thav, khavgia vov, Tesaronaika ngu bakimen vugap, ana maam sios mbe khavgi. Ndu Farasarigi Gumgi 17.1-9 Por maam sios khavgim, Zudain garim, gumgi gu mbigi vharve, mbe Por nzuai buni mbarav, guigira Zisas kothigim, mbe ne nzuav Por ga nzuav ndavi simgiap, maan Por ga mbuim, ana Tesaronaika thav, vugi. Por zumgum vov, Korin ngu bakimen kim, ana phorgap mba nraara mbui guma Timoti, anan han vugap, ana mba Tesaronaikan kav guigira Zisas kothigi gumgi gu mbigir higi bigen bun ana suangi.

Por mbaram Timoti suangi buni mbararagiap, Por gu Sairas, Timoti mbe wari tigap mbu Tesaronaikan kav, guigira Zisas kothigi gumgi gu mbigi ndavi havharir zav, kha gava khergi. Bigi kanji gumgi vharve kha ndikndiga mbui, kha Por khergi gavi, nta kha Fhe Bakime buni vhuuin ki gavar ki, mbe kha ndikndiga mbui, kha gap, ana Por fhara guarara khergi gap ma. Por kha gava kherav, ana Tesaronaikan kav, guigira Zisas kothigi gumgi gu mbigi, ana mbe guigira Zisas kothigi tivar ndikndigap, ana vhira mbe mbui tivir ndikndigi.

Mbe vhira maan kav, guigira Zisas kothigi gumgi gu mbigi, mbe vhira Zisas taagi zirirga tuav, mbe ana kanji fhuvara. Mbe vhira khuen kanjir za mbui, mba vhezgi gumgi, mbe Krai ntigar zirirga, mbe vhira zazera mbara muunjiap ki biihii ndigirie? Mbe vhira khan nzuai, Krai maanji tugar ziririe? Mbe mba nzambari ga muungim, Por mben nzambari ngarkarav khan mbe nzuai, “Nde tivir vhuunra zin ngip, nde Guma Bakime taagi zirirgen suanv anan rargi kiri.”

Por wo phorga ngari gumgir kov, mbe Tesaronaikain kora muunji.

¹ Gu Por, Sairas, gu Timoti, nza kha gava khergiap, nde Tesaronaika ngu bakimen kav guigira Zisas kothigi gumgi gu mbigi, nza anan nde ndi mbai. Nde nza Ndia Fhe Bakime gum Guma Bakime Zisas Krai phorga ki gumgi gu mbigi ma.

Fhe Bakime nden korar muunv, ndavi mitigir nden niinrim, nde kiri.

Por Tesaronaikain guigira Zisas kothigi tivar ndikndigi.

² Nza zazera nde ndikndigap, nde nzuav Fhe Bakime phorga nzuav, ana ndikndigi. Nza zazera Fhe Bakime phorga nzuav, nza za nde ziri zitav Fhe Bakime nzuai.

³ Nde guigira Zisas kothigi ndikndik nde ndavi khavim, nde tivir vhuuian mbuav, nde naarir vhuuunra mbuav, wari won ndavi ndiv harigi gumgi ga ndiii. Nde vhira wari wo ndavi havhargiap, nza

wo Bakime Zisas Kraisa taagia zirirga tugar rargap wari ki. Nza ne nzuav, nza wo Ndia Fhe Bakime phorga ndavar ana ndikndigi.

⁴ Nde nza phorgap guigira Zisas kothigi gumgi gu mbigi, Fhe Bakime guigira wo ndarar nde niingim, nza vhira guigira khuen kangi, Fhe Bakime nden wora mbugi.

⁵ Nza mba Fhe Bakime buna vhuuej ndiga nde ndi vugi, ne fura higi buna khinej fhuvara. Ne Fhe Bakimen nkasnka gum ana Nina Naara phorga him, nde nza khan tiga havhargiap guigira Zisas kothigi tiv, nde guigira ana gangi. Nde vhira, nde nduarira nza nden rigar kav nden kurkurigi tiv, nde ana kangi. Nza nden kurkurar zav, ne muungi.

⁶ Nde nzan tiva ndigap, nde vhira Guma Bakime tiva ndigi. Nde Fhe Bakime buna vhuuej ndigim, simtigi vhirve nden hi. Fhe Bakimen Nina Naar nde ndavi khavim, nde ndikndigap, nde mba bunen ndigi.

⁷ Maanj muungiap, nde tivar vhuunra mba Masedonia fhain gum Akaia fhain kav guigira Zisas kothigi gumgi gu mbigi khivigi.

⁸ Nde Fhe Bakime buna vhuuej bun nzuaim, ne mbar vov, mbar vui, ne mbe phian mbuim, ana khikhim mbar vui fara muungiap vui. Mba buna vhuuej Masedonia gum Akaia fhainra vui fhuvara. Mba buna vhuuej za mba fhain ki nguir vuim, mbe za nde guigira Zisas kothigi

kamen̄ mbararagi. Maan̄ muun̄giap, nza wom mbe suanga kamen̄ ki fhu.

⁹ Nza nden han zim, mbe nduarira mba hegi bigi, mbe nta bun nza nzuai. Mbe nde mbarivi gu tori thav, ndavi dorgap, nde zazera mbara muun̄giap ki Fhe Baki guara zin vui, mbe ne bun nza nzuai. Mbe ne bun nzuav, vhira nde Fhe Bakime n̄aara gumgi kav,

¹⁰ nde vhira ana Kam Hevenan kegiip taagi ziriganen rarga ki. Anan Kam rimgim, ana taagia ana khavgi. Ana Zisas ma, ana taagia nza ndi. Nza zumgum Fhe Bakimen ndav shiri hirma tugar, nza nzerara kirga.

2

Por Tesaronaikan wo muun̄gi n̄aara nzuai.

¹ Nde na phorgap guigira Zisas kothigi gumgi gu mbigi, nde nduarira gu nden rigar ka muun̄gi n̄aar, nde ana kan̄gi, mba n̄aara fhura vov vhezgi fhuvava.

² Nde kan̄gi, nza ntigar nden han zirga, mba tugen nza Firipai ngu bakimen ki. Nza anan kav, nza zaa bakime ndim, mbe nzan fhavir farfav, nza mbevav, buni mbatigi nza nzuai. Nza ntigem nden han zegim, gumgi mbari nza mbevim, nzan Fhe Bakime, ana ngiritin nza n̄ingim, nza mba khesharigi farfar rivi fhu. Fhuvava. Nza khan̄ tigap thiga havhargiap, Fhe Bakime buna vhuuen bun nde nzuai.

1:9 FG 14.15; 1 Ko 12.2; Ga 4.8; 1 Te 2.1 **1:10** FG 17.31; 1 Te 4.16;
5.9; Ta 2.13; 2 Pi 3.12 **2:1** 1 Te 1.5; 1.9 **2:2** FG 16.19-24; 17.1-9;
Fi 1.30; Kor 2.1

³ Nza vhira, nza guigira Zisas kothigiv, ana zin ngir zav nde nzuav, nza pham buni tharir nde suangi fhu, nza vhira tiva mbatiga thuen nden muunga ndikndik the kav, nde vhagi fhu, nza vhira tiva thuen nde guigi fhu. Zakira fhuvara!

⁴ Fhe Bakime nzan mparav, ana nduara wo vuzvugara, ana won buna vhuuej bun suan zav, kha njaarar nza niingi. Maanj muungiap, nza kha gumgi gu mbigi nzan njaara vuzvugir zav nza Fhe Bakimen buna vhuuej bun nzuai fhu. Zakira fhuvara! Fhe Bakime, ana nduara nzan ndavi vheri gari, ana nduara nzan njaara vuzvugirga.

⁵ Nde kanji, Fhe Bakime vhira nen nde suanga, nza nde raanj shi buna thuen nde nzuai fhuvara. Nza vhira nde bigi gangiap, nta niihegap, kha buna vhuuen nde nzuai fhuvara.

⁶ Nza gumgi, nza ziri ndi vun kuamkuargen vuzvugi fhu. Nza vhira nde harigi gumgi gu mbigi, nza ziri ndi vun kuamkuargen vuzvugi fhu.

⁷ Khuenj guigira, nza Krai nzan farasarigim, nza ana njaara gumgi ki. Nza maanj muungi vuzvuk kake, nza warir kurkurar zav simtigen nde ndie. Nza nde phorga ki tugen, nza mbarara nde phorga kav, mbarara nde phorga ngari. Nza mbik tan won tara ndii fara muungiap kegi.

⁸ Nza guigira, wari wo ndavir nde niingiap, nza maanj muungiap Fhe Bakime buna vhuuej bun nde suan za mbui. Nza vhira nden kurkurar zav, za wari won fhavi ndiv nde niingi. Ne khanj muungi, nde guigira nzan kaa gumgi guari ma.

2:4 Jer 11.20; Ga 1.10; 1 T 1.11 **2:5** Zo 5.41; 5.44; FG 20.33; Ro 1.9; 1 Ko 9.1-6; 2 Ko 11.9; 1 Te 2.10; 2 Te 3.8-9; 2 Pi 2.3 **2:7** 1 Ko 2.3; 2 Ko 13.4; 2 T 2.24

⁹ Nde nza phorgap guigira Zisas kothigi gumgi gu mbigi, nza nde phorga kav, Fhe Bakime buna vhuueŋ bun nzuav, nza wari wo mba nzuav ŋaara mbatiga muunŋi, nde ne kaŋgi. Nza kaŋ tiga havhargiap, raa gu maan mba ŋaara muunŋi. Nza khueŋ nzuav maan muunŋi, nza mban wari ganingey suanv simtigar nden niŋ thagi.

¹⁰ Nde kaŋgi, Fhe Bakime vhira, nen nden suanga, nde guigira Zisas kothigi gumgi gu mbigi, nza nde muunŋi tivi, ana vhira nta kaŋgi. Nza Fhe Bakime niman, nza tivir ŋaarira muunŋi. Nza tiva mbatiga thuen nde muunŋi fhu. Nza vhira gumgi nza siv, nza suanga tiva mbatiga thuen nde muunŋi fhuvara.

¹¹⁻¹² Nde kaŋgi, nza ndia won tara mbui tivara nde muunŋi. Nza mba tivar nde mbuav, nde ndikndigi khavav, nden ndavi havhari bunira nde suanŋi. Nza nde nzuav, nza Fhe Bakime guigira vuzvugi tivi zin ŋgir zav nde suanŋi. Fhe Bakime mba tivara zin ŋgir zav nden kamgi. Mba tivara, nde Fhe Bakime wo gumgi gu mbigi garim, mbe ana piin ki, ŋgu Hevenan ŋgirgip, nde mpirm-pirigar vhuun muunŋirga.

Guigira Zisas kothigi gumgi gu mbigi, mbe guigira thiga havhargiap simtigi ndi.

¹³ Nza vhira zazera khueŋ nzuav Fhe Bakime phorga nzuav ana ndikndigi. Nde nza thiri tin Fhe Bakime buna vhuueŋ ndiav, nde guma won ndikndigar nzuai buni ndi tiva muunŋiap ne ndigi

2:9 FG 20.34; 1 Ko 4.12; 2 Ko 11.9; 12.15 **2:11-12** FG 20.31
2:11-12 Fi 1.27; Kor 1.10; 2 T 1.9; 1 Pi 5.10 **2:13** Ga 1.11-12; 4.14;
 1 Te 1.2-3; 2 Te 2.13; 2 Pi 3.2

fhuvara. Nde guigira Fhe Bakime buna guarenj, nde ne kothigap ne ndigi. Ne guigira Fhe Bakime buna guarenj ma. Mba bunenj, nde guigira Zisas Krai kothigi gumgi gu mbigi, mba bunenj khang tigap havhargiap, nde ndavi vherir ngari.

¹⁴ Nde na phorgap guigira Zisas kothigi gumgi gu mbigi, nde Zudian guigira Zisas kothigi gumgi gu mbigi fara muungi. Mbe Zisas Krai phorgi gumgi gu mbigi ma. Nden kivntogi simtigar nde ndii tivara, mbe Zudian kav guigira Zisas kothigi gumgi gu mbigi, Zudainj simtigar mbe nungi.

¹⁵ Zudainj, mbe nza Bakime Zisas shogim, ana ringim, mbe vhira Fhe Bakimen kamthoon gumgi, mbe vhira mbe shogim, mbe vhezgi. Mbe vhira nza vharvharigi. Mbe Fhe Bakime vuzvugi tivi, mbe nta dagasuav, panan za kha gumgi ga kegi.

¹⁶ Mbe nza Fhe Bakime buna vhuuenj bun harigi fhainj gumgi ga suanga tuav, mbe ana mpiiri. Mbe khuenj nzuav, mbe Fhe Bakime taagip mba gumgi gu mbigi ndirganen, mbe suangane vuzvugi fhu. Mbe maanj muungiap, zazera tivi mbatigi ga mbui. Mbe maanj mbuav simtigar warira phogi ga vuav, vov ntige mpuu bigenj ga muungi. Mbe maanj mbuim, Fhe Bakimen ndav shiri ntigera mben ki.

Por guigira taagip Tesaronaikainj ganingenj vuzvugi.

¹⁷ Nde nza phorgap guigira Zisas kothigi gumgi gu mbigi, kha Zudainj nza mbuim, nza tuga

2:14 FG 17.5; Hi 10.33-34 **2:15** FG 2.23; 3.15; 7.52; 9.23; 9.29; 13.45; 13.50; 14.2; 14.5; 14.19; 17.5; 17.13; 18.12 **2:16** Mt 23.32-33; 24.6; Ru 11.52; FG 13.50 **2:17** 1 Te 3.10

tivanenra nde thav, khar kav, nza kha ndikndiga mbui, ndia won tari thav, samra ki. Nza nden nkoo gari fhuvara, nzan ndikndigi gum nzan ndavi vheri nde phorga ki. Nza maan muungiap taagi nde gani zav tuavi ndi garav njaara mbatiga mbuav khar ki. Nza guigira nde gangirga vuzvuk bakime nzan ki.

¹⁸ Nza nden han ngirgen vuzvugi. Gu Por, gu tugi vhirvera, gu nden han ngir za mbuim, Satan nzan tuav mpiri.

¹⁹ Nza khan muunv kirga, nza Bakime Zisas taagip zirirga, thagina bigin nzan muungirim, nza havhargip, ana nima thigip ndikndigirie? Nza thagina bigina ndigi ngip, ana khivav, khan suanrie, nza njaara vhuuan muunggi? Nza ndera suanv ndikndigirga.

²⁰ Ahan, nza nden ndikndigi, nde nza muungim, nza ndavi nzerav ki.

3

Por Tesaronaikain havhari zav, Timoti ga sarigim, ana mben han vugi.

¹ Nza nde ndikndigi ndikndik guigira nzan kivgim, nza thav, kha ndikndiga mbui, nza thagine rargi kirie?

² Nza mba ndikndiga muungiap, wari tigap, kama shogiap, nka Atensan kav, nka Timoti ga sarigim, ana nden han vugi. Timoti, ana nza phorgap guigira Zisas khotigi guma ma. Ana Fhe Bakimen njaara mbuav Zisas Krais buna vhuuen

bun nzuai, guma ma. Nza ana sarigim, ana nden han njip, nden kurkurarim, nde guigira Zisas kothigi tiv havhargirga.

³ Nza khuen rivgi, nde mba simtigi gu zaagi ndiv, nde thari ndikndigi vhirve muunga. Nde nduarira kanji, Fhe Bakime mba khesharigi simtigi ndir zav nzan farasarigi.

⁴ Nza fhum nde phorga kav, nza khan nde suangi, mbarkirga simtigi nzan hirga. Nde tui-tuigip khuen kanjiri, mba simtigi nzan higi.

⁵ Gu mba bigina nirenra nzuav, gu thagine rargi kirie? Gu maan muungiap Timoti ga sarigim, ana nden han vugi. Gu nde guigira Zisas kothigi tiva kanji zav ana sarigi. Gu khuen rivgi, nde guigira Zisas kothigi, nde muunv kirim, Satan nden mpirarim, nza mba muunji njaar, ana fhura mbar njigirga.

Timoti Tesaronaikan vugap, kegap, taagiap kaman vhuuen ndiga Por ndi zigim, Por ne nzuav ndikndigi.

⁶ Timoti nden han kegap, ana ntigera zav, nzan higi. Ana higap, kaman vhuun guarenra nza niingi. Ana khan nza nzuai, nde khan tiga havhargiap, guigira Zisas kothigi, nde guigira ndavir wari ga ndii. Ana vhira khan nzuai, nde zazera nza ndikndigap, nza nzuav ndavi mbirav ki. Nde, nza nde gangir zav, nde ndikndigap ndavi simgiap ki tivara muungiap, nde nza gangir zav ndavi simgiap ki.

⁷ Nde nza phorgap guigira Zisas kothigi gumgi gu mbigi, nza nde mbararagim, nde khan tıgap havhargiap, guigira Zisas kothigi. Nza mba kameŋ mbararagiap, mba kameŋ nza ndavi havhargim, nzan hi simtigi gu zaagi, nza zam nta ndi.

⁸ Nza khueŋ kaŋgi, nde maan muuŋgip havhargiap, Guma Bakime phorga kirga, nzan kiri tıvi guigira hiigi.

⁹ Nza nde mbararagiap, nza wari wo Fhe Bakime nıman, nza guigira ndikndiga bakime mbui. Nza ndikndigap, kha ndikndiga mbui, nza Fhe Bakime phorga nzuav ana ndikndigi tıv, ana nza niŋgi ndikndiga tuktigi fhuvara.

¹⁰ Nza khan tıgap havhargiap, raari gu mbarir nza Fhe Bakime phorga nzuai, ana nza khırarim, nza nde gani saŋv mbar ŋgirga. Nde maan muuŋgip guigira Zisas kothigi ndikndik thanen tivgirga, nza ana muuŋgirim, ana havhargira.

Por Fhe Bakime phorga nzuai, ana ana sararim, ana mben han ŋgirga.

¹¹ Nza khueŋ vuzvugi, nzan Ndia Fhe Bakime gum nza Bakime Zisas, mani na suaŋv tuavar muuŋgirim, nza nden han ŋgirga.

¹² Nza khueŋ vuzvugi, Guma Bakime nden muuŋgirim, nde guigira wari won ndavir harigi gumgir niŋga tıv guigira nden kirga. Nde zam wari wo ndavi ndiv, guigira Zisas kothigi gumgi gu mbigir niŋv, vııra za mba gumgi gu mbigir

nninga. Nza wari won ndavir nde ndiii tivar, nde mben muunri.

¹³ Nde mba tivara muunga, Fhe Bakime nde ndavi havhargirga. Ana nde ndavi havhargirim, nde kirim, nza Bakime Zisas taagi won gumgi gu mbigir kov zirirga, ana nde ganirim, nde ngaravra kirga. Nde vhira nzerara kiv, nde nza wo Ndia Fhe Bakime niman bigina mbatiga thuen muunji ne suany kama thuen kirga fhu. Ne guigi guarara.

**Mbe Tesaronaikain, mbe Fhe
Bakime vuzvugi tivi zin ngirim,
mba tivi guigira mben kiri.**

4

Nza ruarir gumgi gu mbigi wari ndirga fhu.

¹ Nde nza wo Bakime Zisas zin panan nde suanji buni, nde nta kanji. Maan muunjiap, nde nza phorgap guigira Zisas kothigi gumgi, gu ntigem kha gavar khan nde nzuai. Nza nde Fhe Bakime ndikndigirga tivi zin ngirga tivi, nza zam ntan nde khivigi.

² Nde mba tivi zin vui. Nza ntigem, guigira nde ndavi havhara nde nzuai. Nza wo Bakime Zisas zin panan khan nde nzuai, nde mba tiv, nde khan tigi havhargip, anan muunji ngiri.

³ Fhe Bakime vuzvuk khan muunji. Nde guigira zam wari won ndavir ana ningip, nde ana niman

3:13 Sek 14.5; 1 Ko 1.8; Fi 1.10; 2 Te 1.7; 1.10; 2.17 **4:1** Fi 1.27;
Kor 1.10; 2.6; 1 Te 2.12; 2 Te 3.6 **4:3** 1 Ko 6.15; 6.18; Ef 5.3; 5.17;
5.27; Kor 3.5; 1 Te 5.23; Hi 10.10; 1 Pi 1.16

ngaravra kiri. Maan muungiap, nde gumgi gu mbigi ruarir wari ndi tivi, nde guigira nta nkhiari.

⁴ Nde won ndavi vheri khavi vuzvugi mbatigi, nde nta ganiri, nta nde gani thari. Nde nta ganiv, nde Fhe Bakime vuzvugi tivir muunv, nde ana niman ngaravra kiv, nde vhira harigi gumgi niman nzerara kiri. ^a

⁵ Nde muunv kirim, mba vuzvugi mbatigi gum ndikndigi mbatigi nde ngirgirim, nde kir Fhe Bakime segi gumgi gu mbigi fara muungirga, mbe Fhe Bakime kanji fhu. Nde mbe farar muungip, mbarkirga tivi mbatigir muunv, vhira ferferip, ruarir gumgi gu mbigi wari ndirga.

⁶ Nde wari tigap guigira Zisas kothigi gumgi, nde mba tivi mbatigir mben muunv, mbe guiguigip, mba tivir mben muuin muunv thari. Nza fhum kama havharar khan nde suangi, Guma Bakime mba khesharigi tivi ga mbui gumgi, ana muumbara mbatigar mben muungirga.

⁷ Fhe Bakime mba khesharigi tivi mbatigir muun zav nzan kamgi fhuvara. Zakira fhuvara! Ana tivir naarir muun zav nzan kamgi.

⁸ Maan muungiap, guma ana kha kamen daangia khingi, ana guma suangi kamenra daai fhuvara. Ana Fhe Bakime suangi kamen daasui. Mba Fhe Bakime, ana won Nina Naarar nde ndii.

Nza khan tigi havhargip, tivir vhuuin muunri.

4:4 Ro 6.19; 1 Ko 6.13-15; 6.18 **a 4:4** Kha nanen mbe Grikar kaman suangi kamen tuituigiap higi fhuvara. **4:5** Sng 79.6; Ga 4.8; Ef 2.12; 4.17-18; 2 Te 1.8 **4:6** Wkp 19.11-13; Sng 94.1; 1 Ko 6.8; 2 Te 1.8 **4:7** 1 Ko 1.2; 2 Te 2.13-14; Hi 12.14; 1 Pi 1.14-16 **4:8** Ese 36.27; 37.14; Ru 10.16; 1 Ko 2.10; 2 Ko 1.22; 1 Zo 3.24

⁹ Gu nde ndavir guigira Zisas kothigi gumgi gu mbigir nin sanv kama thuenj kheriv nde suanga fhu. Ne khanj muungi, Fhe Bakime nduara mba tivar nde khivigi.

¹⁰ Maanj muungiap, nde wari won ndavir Masedonian fhain kav guigira Zisas kothigi gumgi gu mbigi ga ndii. Nde na phorgap guigira Zisas kothigi gumgi gu mbigi, gu nde ndavi havhari za mbui. Nde khanj tigip havhargip, mba tivar muunv ngiri.

¹¹ Nde maanj muunv, mbarara piigip, wari won njaarir muunri. Nde wari wo harira ngariv, nduarira wari ganiri. Nza fhum mba kamej nde suangi.

¹² Nde maanj muunga, nde bigin the suanj tivgirga fhu. Mba Zisas kothigap ana zin vui gumgi gu mbigi fhu, mbe nden tivir ndikndigirga.

Guma Bakime taagi ziriv nza fugirga.

¹³ Nde nza phorgap guigira Zisas kothigi gumgi gu mbigi, nza khuenj vuzvugi, nde mba vhizgi gumgi gu mbigir hirga bigen, nde ne kangirga. Nde ne kangirga fhuv, nde pim vhizi gumgi ga suanj nziv kirga. Nde mba Zisas kothigi fhuv gumgi gu mbigi farar muungirga. Mbe Fhe Bakime taagip mba vhizgi gumgi gu mbigi khavirga, mbe nen rarga ki fhuvara.

¹⁴ Nza khuenj kothigi, Zisas rimgiap, taagia khavgi, ana taagip zirirga. Maanj muungiap, nza vhira khuenj kothigi, mba guigira Zisas kothigap

4:9 Zo 13.34; 15.12; Hi 8.11; 1 Zo 2.20; 2.27; 3.11-13 **4:10** 2 Te 3.4
4:11 Ef 4.28; 2 Te 3.8; 3.12; 1 Pi 4.15 **4:12** Ro 13.13; 2 Ko 8.21;
 Kor 4.5 **4:13** Ef 2.12 **4:14** Ro 14.9; 1 Ko 15.3-4; 15.12-13; 15.18;
 15.23

vhizgi gumgi gu mbigi, mbe vhira taagi khav-
girga. Fhe Bakime taagi mbe ndigirim, mbe Zisas
phorgip anan han naanga.

¹⁵ Nza Guma Bakime buni vhuuin bun nde
nzuav, nza khan nzuai. Guma Bakime taagi
zirirga, nza ntige khan namki gumgi gu mbigi, nza
mba vhizgi gumgi gu mbigi kamarav fhararga
tuktigi fhu. Fhuvara!

¹⁶ Fhe Bakime khan tigip havhargip suanga,
anan enserar vhari kaminga, Fhe Bakimen
mbarip siminga, Guma Bakime Hevenan kegip,
zirirga. Mba guigira Zisas kothigap vhizgi gumgi
gu mbigi, mbe fharav khavgirga.

¹⁷ Nza mba tugen, nza guigira Zisas kothigap
namki gumgi gu mbigi, nza mbe phorgip, nza zam
naanv, buivar Guma Bakimen purga. Nza ana han
ndav, nza zazera Guma Bakime phorgip mbara
muungip kirga.

¹⁸ Nde kha buni bun wari ga suanv, wari ndavi
havhariri.

5

*Nza wari thithim tigip, Guma Bakime zirirga
tugar rargip kirga.*

¹ Nde nza phorgap guigira Zisas kothigi
gumgi, nza mba bigi hira raa gum tuga bun
nde suangirga tuktigi fhuvara.

² Nde nduarira kanji, Guma Bakime zirirga tuk,
ana kii guma maan kimin zav zi fara muungi.

4:15 1 Ko 15.51-52 **4:16** Mt 24.30-31; FG 1.11; 1 Ko 15.23; 15.52;
1 Te 1.10; 2 Te 1.7 **4:17** Zo 12.26; FG 1.9; VB 11.12 **5:1** Mt 24.36
5:2 Mt 24.42-44; Ru 12.39; 2 Pi 3.10; VB 3.3

³ Mba gumgi gu mbigi khaṅ suanga, “Ntige tugar vhuṅ ma, nza nzerara ki.” Mbe maṅ suanga, mben farfarga bigin, ana vhemkora mben higirga, mba bigina zaa mbik tara tir zav zaa ndi zaa farar muṅgip mben higirga. Mbe mba bigina ṅkiiarga tukṭigi fhuvara.

⁴ Nde guigira Zisas khotḥigi gumgi, nde giṅginan ki fhuvara. Nde giṅginan kiv, nde mba tuk nden hirim, nde guma kima guma garim, ana hanera ana him, ana ṅgava mbatiga muṅgi farar muṅrie? Fhuvara!

⁵ Nde zam vhava ṅarar kav, nde raar ki fara muṅgiap ki ntiri ma. Nza maṅ gum giṅginan ki ntiri fhuvara.

⁶ Maṅ muṅgiap, nza muṅv kiv, nza harigi gumgi farar muṅgip kuv kirga. Fhuvara! Nza semsegip wari ga nzuav ganiv kirga.

⁷ Nza kaṅgi, kui gumgi, mbe maan kui. Phara ṅanṅari pi gumgi, mbe maan nta pi.

⁸ Nza min thugim, nza raar ki gumgi, nza ndikndigi bigi kaṅgip wari ganiv kirga. Nza vhira guigira Zisas khotḥigi tiva ndigip, ana zin ṅgip, guigira won ndavi ndi harigi gumgi gu mbigi niṅri. Mba tiv, nza siot kapa shari tivar muṅgip, ana shirari. Ana nden fhavi ganirim, nde nzerara kirga. Nza ana sharav, nza Fhe Bakime taagip nza ndirganen rargi kirga tiv, nza kapa khorar fi tivar muṅgip, ana fav kirga. Mba ndikndik, ana nza panan kiv, nza ndikndigi ganinga. Nza

5:3 Ese 13.10; Hos 13.13; Mt 24.39; Ru 21.34-35; Zo 16.21-22 **5:4** Ro 13.12-13; 1 Zo 2.8 **5:5** Ro 13.12; Ef 5.8-9 **5:6** Mt 24.42; 25.5; 25.13; 1 Pi 5.8 **5:7** Ru 21.34-36; Ro 13.13; Ef 5.14 **5:8** Ais 59.17; Ef 6.13-17

maan muungip tuituigip thigi havhargip, wari gani kirga.

⁹ Fhe Bakime won ndav shiri ndir zav nza farasarigi fhuvara. Ana nza Guma Bakime Zisas Kraisi taagi nza ndir zav, ana nza farasarigi.

¹⁰ Zisas nzan kurkurar zav rimgi. Maan muungiap, nza namki o, nza rimgi, nza zazera mbara muungiap ki biiñbiiñ ndigip ana phorgi kirga.

¹¹ Maan muungiap, nde bevbevira nde bunin vhuuñra guigira Zisas kothigi gumgi gu mbigi phorgiv suanv, mbe ndavi havhariri. Nde ntige mba tiva mbui, nde mba tivara muunri.

Fhe Bakime guigira Zisas kothigi gumgi gu mbigir kurkurarim, mbe tivir vhuuñra muunga.

¹² Nde nza phorgap guigira Zisas kothigi gumgi, nza khuen vuzvugi. Nden kurkurigi gumgi, nde mben piin kiri. Guma Bakime mbe ndi fegim, mbe nde gari gumgir pani ki. Mbe kav naara mbatiga mbuav bunin nde nzuav nden tivi ndiv thigar mbai.

¹³ Nde mbe mbui naara ndikndigip, ndavi mbirav guigira mben piin kiv guigira wari won ndavi mben niñri. Nde mbe vuzvugip, nde vhira wari tigip ndava bavira kiri.

¹⁴ Nde nza phorgap guigira Zisas kothigi gumgi, nza mba vhukvhugi gumgir tivi ndi thigar maan zav, nde ndikndigi khavav, vhira rivi gumgi ndavi havhariv, mba thiga havhargi fhuv gumgi,

5:9 Ro 9.22; 1 Te 1.10; 2 Te 2.13-14; 1 Pi 2.8 **5:10** Ro 14.8-9; 2 Ko 5.15; 1 Te 4.14 **5:11** Zu 1.20 **5:12** 1 Ko 16.18; Fi 2.29; 1 T 5.17; Hi 13.7; 13.17 **5:14** Ga 5.22; 6.1-2; Kor 3.12; 2 Te 3.6; 3.11; 3.15; Hi 12.12

nza mben kurkura zav nde nzuai. Nde mbarara mba gumgi ga suanri.

¹⁵ Mbe maan muungip tivi mbatigir nde muunrim, nde mbe mbui tivi mbatigi ngarka thari. Nde zazera khan tigip havhargip, warir kurkurav, zam mba gumgi gu mbigir kurkurari.

¹⁶⁻¹⁷ Nde zazera ndikndigip, zazera Fhe Bakime phorgip suanri.

¹⁸ Maan muungip, bigin thuen nden higirim, nde ne suanv simi thari, nde ne suanv Fhe Bakime phorgip suanv, nen ndikndigiri. Fhe Bakime khuen vuzvugi, nde Krais Zisas phorga havhargi gumgi gu mbigir, nde mba tivar muunri.

¹⁹ Maan muungip, Fhe Bakimen Njina Njaar bigin thuen muun sanv nde ndikndigi khavirim, nde ana mbevi thari.

²⁰ Nde guma Fhe Bakime kamthoon guma buni nzuai mbugum buni suanrim, nde khan suan thari, ne fhura ki bunen ma.

²¹ Nde tuituigip ana nzuai buni mbararav, nta ndikndigiri, nta guigira Fhe Bakime buni guari o, nta harigi guma ndikndigar nzuai buni. Nde tivir vhuuin, nde nta suirari.

²² Nde nta suirav, mbarkirga tivi mbatigi, nde nta nkiiari.

²³ Fhe Bakime, ana ndava mitigar ninje ma. Ana nden muungirim, nde guigira wari wo ndavir

5:15 Snd 20.22; Mt 5.39; Ro 12.17; 1 Ko 6.7; 1 Pi 3.9 **5:16-17** 2 Ko 6.10; Fi 4.4 **5:16-17** Ru 18.1; Ef 6.18; Kor 4.2; 1 Pi 4.7 **5:18** Ef 5.20; Kor 3.17 **5:19** Ef 4.30; 1 T 4.14; 2 T 1.6 **5:20** 1 Ko 14.1; 14.39 **5:21** 1 Ko 2.11; 2.15; Fi 4.8; 1 Zo 4.1 **5:22** Jop 1.1; 1.8; 2.3 **5:23** Ro 15.33; 1 Ko 1.8; Fi 4.9; 1 Te 3.13; 2 Te 3.16

zam ana niingirga, ana nden muungirim, nde guigira ngararga. Ana nden vherir ki gumgi, nden ntuu, nden fhavi, ana nta ganinga, guma bigin thuen suany fharar nde sirga fhu, nde za nzerara kirga. Nde nzerara kirim, nza Bakime Zisas Kraiss taagi zirirga tuk higirga.

²⁴ Fhe Bakime nden kamgi, ana mba tivir nden muunga. Ne khañ muungi, ana wo nzuai buni, ana zam nta zin vui.

²⁵ Nde nza phorgap guigira Zisas kothigi gumgi, nde nza suany Fhe Bakime phorgiv suanyrim, ana nzan kurkurarga.

²⁶ Nde guigira Zisas kothigi gumgi gu mbigi, nza won tiv nde bevbevira, nde guigira Zisas kothigi gumgir harir suigip, mbe viaviri.

²⁷ Gu guma Bakime zin kaman havharar nde nzuai, nde kha gava ganiv za nza phorgap guigira Zisas kothigi gumgi gu mbigi ga suanyri.

²⁸ Nza Bakime Zisas Kraissan kora muumbar nde phorgi kiri.

Fhe Bakimen Kaman Kamen Kire New Testament

copyright © 2001-2004 Pioneer Bible Translators

Language: Kire

Translation by: Pioneer Bible Translators

Fhe Bakimen Kaman Kamen in the Kire Language

This translation was produced by Pioneer Bible Translators, and was published in 2001 by the Bible Society of Papua New Guinea.

If you are interested in obtaining a printed copy, please contact the Pioneer Bible Translators at www.pioneerbible.org

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2025-05-02

PDF generated using Haiola and XeLaTeX on 2 May 2025 from source files dated 2 May 2025

bfb792d-a7df-5425-8e30-1e4968f04468